



UKA 2018/187
15. oktober 2018
Aqqaluk Heilmann

Uunga siunnersuut: Avatangiisit innarlitsaaliorneqarnissaanik Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2018-imeersoq (KANUKOKA-p atorunnaarsinneqarnerata malitsigisaanik allanngortitsineq)

(Pinngortitamut, Avatangiisinut Ilisimatusarnermullu Naalakkersuisoq)

Pissusissamisoorpoq Avatangiisit innarlitsaaliorneqarnissaat pillugu naammagittaalliuuteqartarfimmut kommune-t sunniuteqarsinnaanissaata ingerlaannarnissaa pingaartinneqarmat.

Taamaattumik naammagitaalliuuteqartarfiup inuttalersugaanera taakkuli qinikkat sulisussatut atuuffii pillugit isumaqarpugut naleqquttumik kommune-nullu tamanut naammagisimaarnartumik inissittariaqartoq inatsisitigut pisussaaffiliinermi sunniuteqarsinnaassusilimmillu pisussaaffiliinerit pineqarsinnaasariaqartut.

Isornartoqartinngilarput qinersivimmiit qinersivimmut inuttaliisarneq. KANUKOKA-llu atuukkunnaarnerata kingorna akisussaaffigisimasaanik allannguneq pissusissamisuuginnarluni.

Siunnersuut taama isikkoqartillugu aappassaaneraneqarnissanut taperserparput.